

**BOSNA I HERCEGOVINA  
FEDERACIJA BIH  
ZENIČKO-DOBOJSKI KANTON  
GRAD ZENICA  
TRG BIH 6  
72 000 ZENICA**

Broj: 02-45-3627/26  
Zenica, 26.02.2026 godine

Na osnovu člana 38. Zakona o udruženjima i fondacijama ("Službene novine Federacije BiH" broj: 45/02) i člana 11., 34. i 117. Statuta Grada Zenica ("Službene novine Grada Zenica" broj: 05/15), Grad Zenica putem Službe za kulturu, sport i društvene djelatnosti objavljuje:

### **JAVNI POZIV**

#### **ZA DODJELU FINANSIJSKIH SREDSTAVA IZ BUDŽETA GRADA ZENICA ZA PODRŠKU PROJEKTIMA IZ OBLASTI ŽENSKOG AKTIVIZMA**

Grad Zenica poziva sve organizacije/ udruženja/ udruge ili fondacije koje se bave promocijom i jačanjem ženskog aktivizma, koje su registrovane na nivou Grada Zenica da dostave prijedloge projekata koje su u skladu sa razvojnim ciljevima, strateškim dokumentima, akcionim planovima i drugim dokumentima Grada Zenica iz sljedećih oblasti:

1. Kreiranje inovativnih sadržaja i programa kulturno-umjetničkog i zabavnog sadržaja;
2. Afirmacija tradicije i kulturne baštine naroda BiH;
3. Organizovanje i provođenje amaterskih sportskih manifestacija, aktivnosti koje promovišu zdrav način života, kao i programi za korisno ispunjavanje slobodnog vremena;
4. Prevencija nasilja u porodici, zloupotrebe interneta, prevencija narkomanije, alkoholizma, govora mržnje i ostalih pošasti suvremenog doba;
5. Briga o ugroženim kategorijama stanovništva;
6. Projekti inkluzije osoba sa posebnim potrebama, starijim osobama ugroženog stanja kao i drugih marginaliziranih i društveno zapostavljenih skupina;

**Iznosi sredstava za projekte koji budu odobreni iznositi će od 1.000,00 KM – 5.000,00 KM.**

**Odobrena sredstva će se iskoristiti isključivo za pokrivanje opravdanih troškova. Opravdanim troškovima smatraju se samo direktni i indirektni troškovi koji su**

**neposredno povezani s provedbom projekta, odnosno ostvarivanjem jednog ili više ciljeva projekta nastalih na projektu.**

**Neopravdani troškovi su:**

- a) Podugovaranje usluga za koje izvršitelj usluge nije nadležan;
- b) Plate zaposlenika koji nisu prijavljeni da će raditi na projektu;
- c) Svi troškovi za koje ne postoji pokriće u ugovorima i računima.

**Grad zadržava pravo da ne dodijeli sva raspoloživa finansijska sredstva. Dužina trajanja projekta može biti do 31.12. 2026. godine.**

#### **PRAVO UČEŠĆA:**

Učešće u ovom Javnom pozivu je otvoreno, na jednakim osnovama, za sve formalno registrovane organizacije/udruženje/udruga ili fondacija koje se bave promocijom ženskog aktivizma), na području Grada Zenica u skladu sa važećim zakonskim propisima u Bosni i Hercegovini, s tim da projekat mora biti implementiran na području Grada Zenica.

Aplikant može aplicirati na ukupan iznos cijene projekta ili dio nedostajućih sredstava, što je dužan navesti u aplikaciji.

**Aplikant može konkurisati samo sa jednim projektnim prijedlogom, a projekat može obuhvatiti jednu ili više prioriternih oblast, s tim da primarna oblast mora biti jasno naznačena.**

**Neadekvatni projektni prijedlozi neće biti uzeti u razmatranje prilikom bodovanja i ocjenjivanja projektnih prijedloga, te isti neće biti finansirani.**

#### **NEADEKVATNI PROJEKTI PRIJEDLOZI:**

1) Projekti koji se neće finansirati po Javnom pozivu:

- a) Projekti udruženja koja nisu izvršila svoje obaveze po ranije odobrenim projektima finansiranim iz budžeta Grada,
- b) Projekti udruženja koja su registrovana manje od godinu dana do dana objavljivanja Javnog poziva,
- c) Projekti koji se baziraju na investicionim ulaganjima, adaptaciji ili izgradnji kapitalnih objekata,
- d) Projekti koji predstavljaju individualna sponzorstva/stipendije za školovanje ili za učestvovanje u radionicama, seminarima, konferencijama, kongresima, trening kursovima i sl.,
- e) Projekti koji su usmjereni prema vjerskim aktivnostima i ciljevima,
- f) Projekti koji su usmjereni prema finansiranju aktivnosti političkih stranaka,
- g) Projekti koji su namijenjeni za isključivu dobit pojedinca,
- h) Projekti koji se zasnivaju na dodjeljivanju sredstava trećoj strani,
- i) Projekti koji na bilo koji način diskriminiraju određenu grupu ili pojedinca,

- j) Projekti čije aktivnosti i djelovanje ne spadaju pod prioritetne oblasti za finansiranje koje su obuhvaćene Javnim pozivom,
  - k) Projekti udruženja kojima su iz Budžeta Grada Zenica za 2026. godine odobrena sredstva po istom osnovu.
- 2) Projektni prijedlozi s nepotpunom dokumentacijom i dostavljeni izvan predviđenog roka, neće biti razmatrani ni finansirani.

#### **KRITERIJI ODABIRA:**

1. Pripremljenost projekta u skladu sa zahtjevanim sadržajem Javnog poziva;
2. Realnost budžeta i vlastito učešće;
3. Referentna lista već implementiranih sličnih projekata;
4. Mjerljivi efekti kao što su: originalnost u pristupu i učinak projekta na okruženje i zajednicu;
5. Kvalitet javne prezentacije i promocije projekta.

#### **VREDNOVANJE I RANGIRANJE PROJEKATA**

Vrednovanje i rangiranje projekata pristiglih na Javni poziv vršit će posebna komisija. Komisija razmatra zahtjeve i dokumentaciju zaprimljenu na osnovu Javnog poziva, ocjenjuje ispunjenost uslova i kriterija za odobravanje projekata po LOD metodologiji za rad sa organizacijama civilnog društva u jedinicama lokalne samouprave.

Prije donošenja odluke o odabiru Komisija zadržava pravo da od podnosilaca projektnih prijedloga traži dodatna pojašnjenja i dokumentaciju, kao i pravo odbijanja pristiglih projekata bez posebnog obrazloženja.

Nakon završetka projekta odabrani aplikanti su dužni dostaviti Izvještaj o namjenskom korištenju dobijenih sredstava.

#### **PREUZIMANJE PROJEKTNE DOKUMENTACIJE:**

##### **OBAVEZNA PROJEKTNA DOKUMENTACIJA SADRŽI:**

###### **U štampanoj formi:**

- Administrativni podaci o podnosiocu projektnog prijedloga (Prilog 1),
- Projektni prijedlog (Prilog 2),
- Pregled budžeta (Prilog 2a),
- Plan aktivnosti (Prilog 2b),
- Izjava (Prilog 3-ovjerena u šalter-sali Grada ili notarska ovjera),
- Lista za provjeru (Prilog 4 -pečat udruženja).

**U elektronskoj formi (usb):**

- Izvod iz Registra udruženja/udruga i fondacija;
- važeće Rješenje o registraciji organizacije (za nositelja projekta/podnositelja i eventualne partnere na projektu),
- Statut organizacije/udruženja/udruge ili fondacije (za organizacije koje se prvi put prijavljuju)
- završni godišnji finansijski izvještaj za prethodnu godinu (dokument Bilans stanja i Bilans uspjeha),
- godišnji narativni izvještaj organizacije za prethodnu godinu

Navedeni prilozi mogu se preuzeti na zvaničnoj web stranici Grada, **[www.zenica.ba](http://www.zenica.ba)**.

Pitanja u vezi sa javnim pozivom mogu se postaviti pismeno u Službu ili elektronski na e-mail: [senada.hukic@zenica.ba](mailto:senada.hukic@zenica.ba)

**PREDAJA PROJEKTNE I DODATNE DOKUMENTACIJE:**

Ispunjena aplikacija sa kompletnom zahtjevanom dokumentacijom mora se dostaviti u zatvorenoj koverti preporučenom poštom ili lično tokom radnih dana (ponedjeljak – petak), u periodu od 08:00 do 16:00 sati, na sljedeću adresu, **Grad Zenica, Služba za kulturu, sport i društvene djelatnosti, Trg BiH br. 6, 72 000 Zenica**, sa naznakom „Za Javni poziv za podršku projektima iz oblasti ženskog aktivizma sa područja Grada Zenica za predaju prijedloga projekata u sklopu raspodjele budžetskih sredstava za 2026. godinu.“

Rok za predaju aplikacija je 15 dana od dana objavljivanja Javnog poziva na web stranici Grada Zenica. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

O primljenoj pošiljci će se voditi uredna evidencija.

Svi aplikanti koji su predali prijedloge projekata, koji su prihvaćeni ili odbijeni, bit će obaviješteni o odluci u vezi sa njihovim prijedlogom projekta, u roku od 30 dana od dana zatvaranja javnog poziva putem liste objavljenje na web stranici Grada [www.zenica.ba](http://www.zenica.ba).



**GRADONAČELNIK**

Fuad Kasumović